



ЛЕЗГИ Газет

Жуван Ватан, ватанэгълияр,
дидед ч'ал хуьх!

1920 – йисалай акъатзава

N 47 (11056) хемис 24 – ноябрь, 2022 – йис WWW.LEZGIGAZET.RU

Къимет “Дагпечатдин” киоскрай - 16 манат

Хъуьтлуьз гъазурвал аквазва



Хийир ЭМИРОВ

Дагъустан Республикадин Къил Сергей Меликован регъбервилик кваз 22-ноябр-диз республикадин энергетикадин ва ЖКХ-дин карханаяр дурумлувилелди вилик финин ва регион газдалди таъминарунин месэлайрин гъакъиндай ва РД-дин ЖКХ-дин карханаяр 2022-2023-йисарин хъуьтлуьн варцариз гъазур хъунин рекъый региондин штабрин саналди тир заседа-ние кыле фена.

Кват' хъанвайбур тебрик авуналди, региондин регъберди зулунни хъуьтлуьн варцариз гъазур хъунин месэлаяр датана гуьзчивилик кутунин важиблвал кьейдна: “РД-дин ЖКХ-дин карханаяр зулунни хъуьтлуьн варцариз гъазур хъунилай гележегдин вири кваллахар аслу жезвайди я”.

С.Меликова малумарайвал, хуьрер, квалер газдалди таъминар хъувунин зурба проектдин сергъятра аваз пландик 2 агъзурдалай виниз квалер кутунва. Гъа са вахтунда республикади яшайшдин къезилвилер авай агъалийриз газдихъ галаз алакьал тадаракар пулсуз маса къачун, квалерин участокдай газдин линияр тухун патал кылдин такъатар чара авунва.

“И важиблу месэлаяр гежел вегъиниз ерли рехъ гана кландач”, - кьейдна Сергей Меликова.

Талуьк органрал субсидияр гунин еришар хъажунин месэла кыляй-кылиз чирун тапшурмишнава.

РД-дин эцигурин, архитектурадин ва ЖКХ-дин министр Артур Сулейманова малумарайвал, кьенин йикъалди ЖКХ-дин карханаяр зулунни хъуьтлуьн варцариз 100 процентдин гъазур хъанва. Вири муниципалитетра чими ийидай къурулу-

шар кардик кутунва. Гъа са вахтунда жуьреба-жуьре аварияр ва тадаракар кьайдадикай хкатуни хътин дуьшуьшар фикрда къуна, Дагъустандин вири шегъера ва районар материально-технический такъатар гъазурнава.

Министрдин гафаралди, хуьрера газдалди таъминар тавунвай яшайшдин карханаяр, идараяр чимивилелди таъминардай кларасар, цивин ва маса шейер гъазурнава.

Республикадин 10 шегъердикай 9-даз зулунни хъуьтлуьн варцариз гъазур хъанвайвилер паспортар ганва. Дагъустандин Огни шегъерда и кар алай месэла тарифдай гьалда авач. Ина вахт алатнавай чимивилин къурулушар, аварийный гьалда авай котелар ишлемишиз хейлин йисар я. Шегъерэгълияр чимивилелди таъминарун патал сифте нубатдин серенжемар кыле тухванва.

Къизилюрт шегъердани чимивилин сетар цийи хъуьна кланзава. 2024-йисан эхирдалди шегъердин 3 микрорайонда куьгъне котелар алай чкайрал цийи тадаракар эцигда.

Важиблу и месэлайриз баянар гудайла, Сергей Меликова къуру рекъемар тикрарунилай халисан крарал элячина кланзавайдакай лагъана.

“Чна аварийный гьалар арадал гъывай са шумуд месэла гьална, герек къадар резервияр гъазурна. Амма йисаралди гьал тийиз хъайи газдалди, электро-энергиядалди таъминарунин месэлаяр, къуьд мукьвал хъайивалди, хъидаказ аквазвава. Чи алай йикъан везифа ЖКХ-дин карханайри хъуьтлуьн варцара аварияр тежедайвал, чимивилин сетри акваз тийиз кваллахдайвал авун я”, - кьейдна региондин руководителди.

Мярекатдал Дагъустандин агъалияр электро-энергиядалдини тамамвилелди таъминаруникай ихтилат фена. РД-дин

Гъукуматдин Председателдин заместитель Манвел Мажонца малумарайвал, республика зулунни хъуьтлуьн варцариз гъазур хъунин карда талуьк министерствойри, ведомствойри аквадай хътин агалкъунар къазанмишнава. Хъийидай кваллахарни гзаф ама. Пландин бинедаллаз абур вири вахтунда тамамарна кланда.

РД-дин чилерин ва эменнидин министр, республикадин вице-премьер Заур Эминова хабар гайивал, Дагъустанди “Газпром межрегионгаз” компаниядихъ ва “Россети Северный Кавказ” - “Дагэнерго” ПАО-дихъ галаз вири сетар сад авунин кваллах тухузва.

2023-йисан сифте паюна республикадин 4 629,3 километрдин яргъивал алай, маса гуз гъазурнавай газдин линияр приватизация ийидайвал я. Гуьгъуьнин варцара республикадин ва муниципальный сетар сад ийида.

Вице-премьерин рахунрихъ яб акалайдалай гуьгъуьниз Сергей Меликова кьейдна хьи, Дагъустандин мулкунал алай вири сетар сад авуни агъалияр электро-энергиядалди ва газдалди таъминарунин карда дуьшуьш жезвай хейлин нукъсанар арадай акъудда. Сетрин иесийри абур авай гьалдин гъакъиндай жаваб гуда.

“Россети Северный Кавказ” ПАО-дин генеральный директордин заместитель Сергей Усевича малумарайвал, Дагъустандин мулкунал газораспределительный эменнини сад ийида. Ада лагъайвал, пудратдин идараяр хъягъун патал 8200 трансформатордин подстанцийрин ва 32 агъзур километр электропередачайрин линиярин гъакъиндай конкурсар кыле тухванва. Кадастрдин кваллахар кыле тухун ва иеси авачир объектар Росреестрдин учетда эцигун патал талуьк икьрарар кутлуннава.

Нумрадай клела:

ЖЕМИЯТ

Уьткъем хва

Абдусалам Айдинбегов кар алакьдай, таб, гъибетчивал таклан, ришветбазвилехъ, госуьдартводин мал чуьнуьхунихъ галаз женг чуьгъазвай регъбер тир. Республикада ам такланбурун десте арадал атана.

▶ 3

БАТАНПЕРЕСВАЛ

Къегъалвилей

Украинада кыле физвай махсус серенжемада къалурнавай виклегъвилерайни Ватандин вилик хивевай буржи намуслувилелди кылиз акъудунай Руслан Къурбановаз Суворован медаль ганва.

▶ 4

ТАРИХ

Тарихдин шагъидар

Луткунар сур тарих авай хуьрерикай сад я. И кар хуьруьн куьгъне мисклиндин цларик квай, чпел куфи хатлуналди авунвай хъинар алай XI-XIII асирриз талуьк къванерини тестикъарзава.

Хуьруьн вини кыле авай сурада чкадин агъалийрин арада машгъур Мусадини Исадин пир ава. Риваятдай малум жезвайвал, Мусани Иса са девирда хуьре Ислам дин чуьктурунал машгъул хъанай.

▶ 5

ХУЬРУЬН МАЙИШАТ

Асирдин рекъе

Лагъана кланда, алатай йисан нети-жайриз килигайла, Урусатда гъасилнавай ципицрин беъгердин 27 процент республикадал ацалтнава. Алай вахтунда Дагъустанда ципицлуьхри 26 агъзур гектардин мулкар кьунва.

▶ 6

ЭКОНОМИКА

Вилик пад къаз алакьзава

Къейд ийин хьи, квалин гъайванрин азаррин вилик пад кьунин месэла хъиди яз амуькунихъ дугъри себебарни авачиз туш, гъикл лагъайтла, республикада гъайванрин духтуррин, гъавурда авай пешекаррин къадар лап кьит хъанваз гзаф йисар я.

▶ 7

ОБРАЗОВАНИЕ

Уруе муаллимдин лезги къисмет

Къисметди садлагъана гуьзлемеш тавур савкъат гъана. Мектебда, директордин заместитель яз, географиядин муаллим тир Къасумов Али Къасумовича кваллахзавай. Александра акунмазди, ада рушал эвленмиш хуьн кьейтна.

▶ 8

СПОРТ

Къегъалрин гуьрметдай

18-20-ноябрдиз Мегъарамдхуьруьн районда азадиз къуршахар къунай СССР-дин Игит А.Исрафилован ва Украинада кыле физвай махсус серенжемада телеф хъайи къуллугъчийрин экуь къаматриз бахшнавай турнир кыле фена.

▶ 15

Къегьалвиляй

Агьмед МАГЪМУДОВ

Украинада кыле физвай махсус серенжемда къалурнавай викегьвилерайни Ватандин велик хивевай буржи намуслувилелди кылиз акъудунай Руслан КЪУРБАНОВАЗ Суворован медаль ганва.



Руслан Рамазанович Курбанован ерине Стлал Сулейманан райондай я. Къасум-хуьруьн 2-нумрадин юкъван мектеб акъалт-тарайдалай къулхъ, 2000-йисуз, ам РФ-дин Яракълу Кушунрин военный институтдик экечна. Вуз акъалттарайдалай къулхъ жегьилдиз армиядин жергейриз эвер гана. Алай вахтунда РФ-дин оборонадин министерстводин Смоленск шегьерда авай къушунра ротадин командирдин везифаяр тамамарзава.

Р.Курбанова Украинада кыле физвай махсус серенжемда сифте йикъалай иштиракзава. Викегь, рикле къаст авай къегьалдилай командованиди разивалзава.

Къейд ийин хьи, Руслан Курбанован дах Рамазан Курбанов самбодайни дзюдодай дуьньядин чемпион я, ада акъалтзавай не-силриз спортдин и жуьрейрай хейлин йисара чирвилер гузва. Тежрибалу тренердин гьилик вердишвилер къачузвай цудралди же-гьилрикай жуьреба-жуьре акъажунрин гъалибчияр хъана. Хайи чилихъ, Ватандихъ рик кузвай ватанпересрикай сад тир Рамазан Курбанова хуси такъатрихъ Стлал Сулейманан райондин Алидхуьре спортдин комплекс эцигнава ва алай вахтунда ана цудралди жаванриз спортдал машгул жедай мумкинвал хъанва.

2300 хизандиз

Алатай гьафтеда Махачкъалада, "Дагъустан" РИА-да кыле феий конференциядал РД-дин зегьметдин ва яшайишдин рекъай велик финин министрдин заместитель Абдулкерим Абдулаевани Украинада кыле физвай махсус серенжемда иштиракзавай-бурун ва телеф хъайибурун хизанриз куьмекар гун патал республикада арадал гъанвай "Все вместе" фондунин директор Селимхан Мирзеханова фондунин кыле тухванвай къвалахрин нетижаяр къуна.

Рикел хкин, ихтилат физвай фонд РД-дин Кьил Сергей Меликован теклифдалди арадал гъанва. Ам кардик акарай йикъалай инихъ серенжемда иштиракзавай 2300 дагъустанвидин хизанриз 100 агъзур манатдин къадарда пулдин куьмекар ганва.

С.Мирзеханова хабар гайивал, фондунин къвалахдин сергъятра аваз серенжемдин иштиракчийрин хизанриз жуьреба-жуьре рекъерай куьмекар гузва. Мисал яз, РД-дин зегьметдин ва яшайишдин рекъай велик финин министрстводин векилрин куьмекардалди Дербент районда 10 иштиракчидин аялар ясли-бахчийриз рекъе туна. РД-дин Халкъдин Собранидин депутат Сефер Алиева кыл кутуналди, са шумуд депутатди фондуниз 500 агъзур манатдин къадарда аваз пулдин такъатар чара авунва.

Ада гъакни къейд авурвал, фондуниз РД-дин гьукматдин резервдин фондунай - 150, меценатрин, гъар жуьредин идарайрин патал, санлай къачурла, 200 миллион манат пул агакънава.



Куьмек гуз гъазур я

Стлал Сулейманан райондин кыл Саид Темирханова Украинада кыле физвай махсус серенжемда иштиракзавай Раул Гъажибалаевахъ галаз мукъвара гуьруьш кыле тухвана.

Раул Цийи Мамрачрин хуьрай я. Ада серенжемда сад лагъай йикъалай иштиракзава ва вичел ихтибарнавай везифаяр чешнелудаказ тамамарзава. Отпускдин вахтунда ам хайи хуьруьш хтана, вичин хизандал, диде-бубадал кыл члугуна.

Райондин кылихъ галаз кыле феий гуьруьшда Раула чкадин агъалияр Урусатдин армиядин аскерив эгечизавай къайдадикай, гузвай куьмекарай ихтилатна. Адан фикирдалди, серенжемдин кылин метлеб Урусатдин милли хатасузвал таъминарун ва дяведин гьерекар кыле физвай зонада яшамеш жезвай ислегъ агъалияр сагъ-саламатдиз хуьн я. Отпуск кутъгъ хъайидалай къулхъ ам вичи къуллугъзавай къушунрин частуниз хъфида ва командованиди гузвай тапшуругъар кылиз акъудда.

Саид Темирханова, адан сад лагъай заместитель Лацис Оружева, Герейханован

хуьруьн администрациядин кыл Руслан Алдырова, Ватандин къуллугъда акъвазна, викегьвал, къастунал кививал къалурунай Р.Гъажибалаеваз сагърай лагъана ва адахъ чандин сагъвал, мадни гзаф къуватар хуьн



алхишна. Муниципалитетдин кыли, гуьруьшдин сергъятра аваз, махсус серенжемдин иштиракчидивай адахъ гъална кланзавай гьихътин месэляяр аватла жузуна ва райондин администрация Ватандин сергъятар хуьз-вайбурун хизанриз вири рекъерай куьмекар гуз гъазур тирди къейдна.



Пай кутазва

Къурагъ районда Украинада кыле физвай махсус серенжемдин иштиракчийрин къвалерив хуьтлуьз кудай кларсар агакъарзава

И йикъара Къурагъ райондин администрацияда муниципалитетдин кыл Замир Азизован регьбервилек кваз Украинада кыле физвай махсус серенжемда иштиракзавайбуруз пулдин такъатар къватлун, жуьреба-жуьре рекъерай куьмекар гун патал уьлкведин дережада аваз кардик кутунвай "Мы вместе" проектдин штабдин заседание кыле фена.

Замир Азизова къейд авурвал, Къурагъ райондай, тамам тушир мобилизациядин сергъятра аваз, 27 касдиз эвер ганва. Абуруз ва Ватандин сергъятар хуьзвай амай ватангълийризни куьмекар гун пай кутазвай вирибуруз райондин кыли сагърай лагъана.

Къейд ийин хьи, гзаф къадар маса муниципалитетри хьиз, Къурагъ райондин серенжемдин иштиракчийриз куьмекар гунин кардик пай кутазва. Кылди къачуртла, серенжем кыле физвай мулкарал къуллугъзавай аскерриз райондай са шумуд сеферда недай-хъвадай суьрсет, алукдай парталар, къвачин къапар, дарманар ва маса затлар рекъе туна. Абуруз маса къачун патал пулдин такъатар районда кардик квал идарайри къватна.

"Мукъвара серенжемда иштиракзавай са шумуд касдин къвалерив хуьтлуьз пичера кудай кларсар агакъар-

нава", - лагъана Замир Азизова, "Мы вместе" проектдин сергъятра аваз районда кыле тухванвай къвалахрин не-тижаяр къадайла. Адан фикирдалди, и кар давамарна кланда. Гъа са вахтунда райондин кыли тамарин майишатдин са жерге къуллугъчийрилай вичин на-разивални къалуруна. Малум хъайивал, абуруз кларсар агакъарунин къвалах энгел тахун патал тамай кларсар атлудай чкаяр вахтунда тайинарнач. З.Азизова и къвалахдиз къецл гузвай крар тади гъалда арадай акъудун тапшурмишна ва Украинада кыле физвай серенжемда иштиракзавай Къурагъ райондин агъалийрин хизанрив мукъвара 100 агъзур манатдин къадарда аваз пулдин куьмек агакъадайдакай хабар гана.

"Мы вместе" проектдин сергъятра аваз районда давам жезвай къвалахрикай чпин фикирар проектдин Къурагъ районда кардик квал штабдин кыл Ра-миз Рамазанова, муниципалитетдин ветеранрин советдин председатель Фахрудин Мирзоева, КЦСОН-дин директор Эльбрус Гъажиева, штабдин членар тир Къурагърин хуьруьн 1 ва 2-нумрайрин юкъван мектебрин директорар Гъамид Мисриевани Магъарам Къазиева, муниципалитетдин дишегълийрин советдин председатель Эльмира Исаевади ва масабур лагъана.

Фронтдиз кагъазар

Уьлкведин жуьреба-жуьре регионрин мектебра клелзавай аялри Украинада кыле физвай махсус серенжемда иштиракзавайбуруз руьгъ кутадай чарар рекъе твазва. Мукъвара Буйнакск шегьердин мектебра чирвилер къачузвай аялри Запорожьедин областда къуллугъзавай аскерин тварцел кагъазар ракурнавай.

Аскерри, чпин нубатда, аялриз сагърай лугъузвай видео гъазурна. Ам Буйнакск шегьердин вири мектебра къалурна.

"Играми аялар! Чал куь чарар агакъна. Абуруз чак руьгъ кутазва, гъалибвилехъ тухузва. Чна вири халкъдин патай члехи куьмек гъиссзава ва и карди чун велик финиз таъсирзава. Аскердин зегьмет гъич садрани ре-гъятди хъанач. Гъикъван четин хъайитлани, чун Ватандин къуллугъда акъвазда.

Чахъ агъунвай ва чун вилив хуьз-вай вири аялар сагърай. Баркалла Урусатдиз!", - къейднава аялриз рахкурнавай видеода.

Игътияжар фикирда къада

Каспийский флотилиядин 300 йис тамам хъуниз талуькарна Каспийск шегьерда кыле феий мярекатдин сергъятра аваз, РД-дин Кьил Сергей Меликова флотилиядин командующий Александр Пешкован Украинада кыле физвай махсус серенжемда иштиракзавай къуллугъчийр патал нубатдин куьмек агакъарна.

"Лезги газетдиз" РД-дин Кьилин пресс-къуллугъди хабар гайивал, флотилиядин серенжемда иштиракзавай къуллугъчийриз куьмек яз парталар,

раскладушкаяр, махсус месер, дарманар ва маса затлар чара авунва.

Къейд ийин хьи, Сергей Меликова Украинада кыле физвай махсус серенжемда иштиракзавай дагъустанвийрин игътияжар таъминарун патал абуруз герек затлар, энгел тийиз, агакъарун теклифнава. Республикдин МЧС-да серенжемдин иштиракчийриз рекъе тваз-вай затлар къватлзава. И карда меценатри, районринни шегьерин администрациядин векилри, жергедин агъалийри иштиракзава.

Къагъриман ИБРАГЪИМОВ

19-ноябрдиз Дербент шегъердин шад межлисрин “Моряна” залда Дагъустан Республикадин “Дагвино” комитетдин 100 йис тамам хъуниз талуькарнавай ципицъийринни чехирчийрин форум шад гьалара кыле фена.

Залдин гегъенш фойеда Къизлярдин коньякрин заводди, Дербентдин коньякрин комбинатди, “Дербентдин чехиррин компания”, “НПП “Виски России”, “Алвиса”, “Агролайн” ООО-ри акъудзавай продукциядин выставкайри чка кьунвай.

Выставкайризи килигзавайла, чал мярекатдиз атанвай Стал Сулейманан райондин кыл Саид Темирханов, Хив райондин кыл Ярмет Ярметов, Дербент райондин кыл Мавсум Рагъимов, Дербент шегъердин кыл Рустамбег Пирмегамедов, Дагъустандин селекциядин тежрибадин станциядин директордин илимдин рекъай заместитель Рамидин Къазиагмедов ва масабур гьалтна. Абуру карханайри тешкилнавай выставкадиз виниз тир кьимет гана. Гьакъикатдани, выставка фикир желбдайди хьанвай.

Р. Къазиагмедовахъ галаз кыле феи ихтилатрай малум хъайивал, ципицъивал вилик фин патал цийи технологияр арадал гъизва. Абурукай гегъеншдиз менфят къачуни бегъерлувал, ширинвал тими хъанвай ципицъин сортарин ери хъажуниз аквадай гьалда куьмекзава. “Филоксера азар акатнавай ципицъухар чна къвачел ахкъалдар хъийизва. И рекъе чна ишлемишзавай технологияр дуньяда тешпигъ авач. Чи станцияди илимдин рекъай тухузвай къвалахар, къабулзавай серенжемар себеп яз, республикада ципицъин бегъерар йисалай-суз гзаф жезва. “Дагвино” комитетдин 100 йисан баркаллу юбилейдик чи пайни ква, - кьейдна ада.



Мярекат гатлундалди декъикаяр амаз, залдин фойедиз форумда иштиракиз атанвай багъа мугъманар - Дагъустан Республикадин Кыл Сергей Меликов, Кыблепатан Кавказдин Федеральний округда РФ-дин Президентдин патай тамам ихтиярар авай векилдин заместитель Владимир Надикто, Федерациядин Советдин аграрийринни суьрсетдин сиясатдин ва тебиатдин девлетрикай менфят къачуни рекъай кардик квай Комитетдин член Алексей Кондратенко, РФ-дин Гьукуматдин Председатель Абдулмуслим Абдулмуслимов, “Федеральная саморегулируемая организация виноградарей и виноделов России” ассоциациядин крар ида-

“Дагвино” комитетдин - 100 йис Асирдин рекъе



ра ийидай директор Алексей Плотников, РФ-дин Гьукуматдин Председателдин заместитель Нариман Абдулмуталибов, РФ-дин милли сиясатдин ва динрин рекъай министр Энрик Муслимов, чилинни эменнидин алакъайрин министр Заур Эминов ва масабур гьахьна. Абуру карханайрин продукциядин выставкадиз килигна, ципицъивилелни чехирчивилел машгъл жезвай майишатрин векилрихъ галаз ихтилатар авуна. Ахпа абуру мярекатдин асул пай кыле физвай зал галайвал фена.

Инаг ципицъар гьасилзавай майишатрин, чехирарни коньякар

дин экономикадин хиле бюджет арадал гъизвай, яшайишдин метлеб авай кар алай къватлал я.

Къе чна кьейдзавай 100 йисан юбилейдин тарих 1920-йисуз Дагъустандин инкъилабдин комитетди къабуллай къарардилай гатлунайди я. Тлугвалдиз килигна, 2020-йисуз кьейд ийиз тахай мярекат гила тухун къисмет хъана.

“Дагвинодин” юбилейдин мярекат Дербент шегъерда тешкилун дуьшуйшдин кар туш. Дербент районда ципицъивилел майишатри гегъенш мулкар кьунва. Дербент шегъердин чехиррин карханайрини ери авай продукция акъудунилай гьейри, ципицъин хейлин багъларни кутунва”, - лагъана Сергей Меликова.

Адан гафарай малум хъайивал, 2022-йисуз республикадин ципицъийри 268 агъзур тонн бегъер къватна. Им, шазан нетижайрив гекъигайла, 30 агъзур тонндин гзаф я. Эхиримжи 30 йисан девирда ихътин нетижар хъайиди туш.

Ципицъивилел хиле ихътин агалкъунар хъуник Урусатдин хуьруьн майишатдин министерстводин, “РФ-дин ципицъийринни чехирчийрин вичи-вич къайдада твазвай (саморегулируемая) федеральный тешкилат” ассоциациядин пайни ква.

Сергей Меликова вичин рахунра эхиримжи кьве йисуз ципицъивал вилик тухун патал бегъерлуздак зегъмет члугунвай Абдулмуслим Абдулмуслимован къвалахдин нетижайризни кьимет тагана жедач лагъана.

Сергей Меликова республикадин хуьруьн майишат вилик тухуник члехи пай кутунай ва гьакъисагъ зегъметдай “Виски России” карханадин генеральный директор Алибег Иразиханован “Дагъустан Республикадин вилик лайихлувилерай” орден, “Виноградар” ООО-дин директор Яхья Гьажиеван “Гьакъисагъ зегъметдай” медаль, Нариман Алиеван тварунихъ галай акционерный обществодин генеральный директор Махач Атаеван ва Дербентдин коньякрин комбинатдин гендиректордин заместитель Мегьамедзагъир Къуршиеван РФ-дин гьуьрметдин грамотаяр

вахкана. Абурулай гьейри, государстводин шабагъриз лайихлу хъайибур мадни ава.

РФ-дин Гьукуматдин Председатель Абдулмуслим Абдулмуслимова РФ-дин хуьруьн майишатдин министр Дмитрий Патрушева ракъурнавай тебрикдин чар къелна.

Дмитрий Патрушеван тебрикдин чарчай малум хъайивал, Дагъустан Урусатда ципицъивилел хилей вилик квай регионрикай сад я. “Куь чилерал ципицъар гьасилунин адетар несилрилай несилрал агакъарзава, Дагъустандин продукция лагъайтла, неинки са чи улкведа, гьакъ кьецепатани гегъеншдиз машгълур я ва адаз лайихлу кьиметни гузва. Эхиримжи йисара, Дагъустанда ципицъар цазвай чилерин майданар артухарунихъ галаз сад хъиз, бул бегъерарни къватл хъийизва. Къадар гзаф жезва, чехиррин ерини - хъаж. Гьукуматдин патай куьмек артухаруни и хел галай-га-



лайвал вилик тухуниз таъсирзава. Им, гьелбетда, региондин аграрийрин члехи зегъметдин хъиз, и хилез талукъ Комитетдин къвалахдин агалкъунни я”, - кьейднавай тебрикдин чарче.

Лагъана къанда, алатай йисан нетижайриз килигайла, Урусатда гьасилнавай ципицъин бегъердин 27 процент республикадал ацалтнава. Алай вахтунда Дагъустанда ципицъухри 26 агъзур гектардин мулкар кьунва.

Мярекатдин сергъятра аваз докладар ва тебрикдин гафар гваз иштиракчийрин вилик Абдулмуслим Абдулмуслимов, Алексей Кондратенко, Алексей Плотников, Дмитрий Бурцев, Яхья Гьажиев, Къизлярдин коньякрин заводдин директор Евгений Дружинин ва масабур рахана.

Мярекатдин асул пай акъалтлайла, ял ядай куьруь вахт малумарна. И арада форумдин мугъманрини иштиракчийри карханайри ципицъикай хъуднавай продукциядин дад акуна. Гьар карханади дад акваз къанзавайбуруз чпи акъудзавай продукциядин пуд жуьре теклифнавай.

Мярекатдин эхирдай Сергей Меликова, Алексей Кондратенкоди ва Алексей Плотникова журналистрин са жерге суалризни жавабар гана.

Дагъустандин Кыли кьейд авурвал, алай вахтунда республикадин ципицъийрин вилик кар алай са шумуд везифа акъвазнава: кьелемлухрин лап члехи центр арадал гъун; ципицъухрин мулкар йисалай-суз гзафарун; ципицъикай хъудзавай продукциядин къадар артухарун ва ери мадни хъсанарун. Суалриз жавабар гудайла, Сергей Меликова ципицъивилелни чехирчивилел хиле агротуризм патални кьулай шартлар тешкилзавайди рикел хкана.

А. Кондратенкоди, улкведа кьецепатай тир суьрсетрикай чехирар хъудунал къадагъа эцигнавай къанун къабулуниз килигна, Урусатда чкадин хаммал кьит хъанвайдакы лагъана. Адан фикирдалди, и карди Дагъустандин карханайриз маса регионрин ципицъивилелни чехирчивилел майишатрихъ ва карханайрихъ галаз сих алакъада аваз санал къвалахдай мумкинвал гуда.

А. Плотникова, Урусатдин базарра авай гьуьжетунрикай вичин фикирар лугъудайла, кьейдна: “Продукция гьасилзавай дагъустанвийриз чпин суьрсетдин гьакъиндай са шейни тестиьарун герек кьезваз, абуру кьисайрик квай, чпиз тешпигъ авачир хътинбуру я. Къизлярдинни Дербентдин карханайрин арада авай дуствилел акъажунри коньякрин ери вилик тухуниз куьмекзава ва хъсанарзава. Эхиримжи йисара лагъайтла, чехирчивилел цийи проект арадал атуникди Дагъустан патарив гвай регионриз вижевай хаммалдин база хъанва”.

“Морянада” мярекатар акъалтларайла, форумдин иштиракчийри къадим Дербент шегъердин куьгьне куьейра ва Низами Генжевидин тварунихъ галай паркуна сейр авуна.

20-ноябрдиз багъа мугъманар Дербент райондин Вино Жалгъандин мулкара авай “ДВК” ООО-дин ва “Агрофирма “Татляр” МУП-дин ципицъухризи килигна, Дербентдин коньякрин комбинатда сиягъат авуна.

ЧУБАРУКАР

Къелем ахтармишзава

Шад хабарар Италияда чи гъалибчи

Чи мухбир

И мукъвара Италиядин Агридженто вилайтада виридуьньядин школьникрин арада къиле фейи "Парнас - Шииратдин конкурс - "Анжелло Ла Веккьядин премия" шииратдин конкурсдин гъалибчий-рив шабагъар вахкунин мярекат къиле фена. Ана чи ватангъли, Махачкъаладин 1-нумрадин гимназиядин 7"д" классдин ученик **Абдулгъакъ АЛИВЕРДИЕВАНИ** иштиракна. Тивар къунвай конкурсда "Тебиатдин шиират" номинациядай ада сад лагъай чка къуна.

Конкурсдиз ада "Маймун" тивар алай шиир вуганвай. А шиир и конкурсдин Италиядай, Китайдай, Белоруссиядай, Меккадай, Крымдай ва маса уьлквейрай тир гъалибчийрин



эсерар чапнавай къватгалдани гъатнава. Шиирар авторрин дидед члаларал ва италян члалаз авунвай таржумани галаз чапнава. Чи ватангълиди шиир урус члалал къенвай.

Ихътин алакунрин векил тербияламишунай 1-нумрадин гимназиядин ва адан директор Э.В.Давудован тиварцел Каникати шегъерда кардик квай культурадин ассоциациядин президент, конкурсдин тешкилатчи, профессор Калоджеро Ла Веккьядай чухсагъулдин чар атанвай.

Абдулгъакъ вичин члехи буба, Ахцегъай тир тивар-ван авай алим-микробиолог, илимрин доктор Абдулгъакъ Абутрабович Аливердиеван тивар вичел атанвай птул я. Птулди и машгъур сихилдин баркаллу ирс цийи шартлара давамарзава. Жегъил Абдулгъакъз чна мадни члехи агалкъунар хъун ал-хишзава.

Мансур НУРАЛИЕВ, Цмуррин мектебдин 1-кл. ученик

Зи хайи хуьр

Зи рикл, зи чан, зи хайи хуьр,
Виридалай багъади.
Рикливай зун ашукъ яз вал,
Зи Цмур хуьр - хайи хуьр!

За хуьр патал чанни гуда,
Гуда вири девлетар.
Зи хазина, зи рикл я вун,
Зи Цмур хуьр хайи хуьр!..



Фригърин цлурер

Аскер БЕГОВ,
10-кл. ученик

Назлу РАГЪМАНОВА,
10-кл. ученица

Стха течир...

Россия ви диде тир хьи,
Уьмуьрда ваз къеб хъайи,
Ваз чил гайи тангаризни
Къизилдикай еб хъайи.

Куьз ава ви жасадда цай,
Целхем ава лезнда?
Амма вучиз амач такъат
Ви кларсдин куьтенда?

НАТО-дикай къунвай даях
Вун яргалди фидани?
"Чахъ!" - лугъузвай буйругъди ваз,
Дуьз лагъ, хийир гъидани?

Ви гилерив къватлиз тазва
Жуьгвенар, вун алугдай.
Абурукай хразва цил
Ви гардандал алчуддай.

Стха течир вун низ клан хъуй?
Ви чка са хъиткьер я.
Вун ахмакъ хъун фашизмдиз
Хийир гъизвай мехъер я.

Куьз чир хъанвач ваз и къвалах,
Куьз къенерар буш я ви?
Фагъумсузвал икъван дерин
Гзафбуруз хуш я ви.

Нин хийирдиз къуьлзава на?
Ваз я далдам, саз авач.
Чарадан кан аваз хъанвай,
Вун абуруз кваз авач.

Хъфимир

Хъфимир куьн, Чубарукар,
Куь риклин сир ачух заз.
И дуьньядин девлетрилай
Тек са куьн я артух заз.

Руьгъ ацлузва куь сесинив,
Акл гевесдив рахайла.
Гъар сеферда умудлу яз
Чилиз мани лагъайла.

Чир жезва заз чи уьмуьрда
Халис илгъам авайди.
Чуьнгуьр хъана куьн зи хурал,
Са шабагъ яз алайди.

Зи халкъди квез гуда къуват,
Риклин къене чкани.
Лугъумир заз: "А бахтавар,
Зи вил са квехъ галани...?"

Герек я куьн лезги халкъдиз,
Пелешдин кар ийимир.
Физ-хтурай амай вири,
Амма са куьн хъфимир.

Куьч хъайитла "Чубарукар",
Са гуьзелвал чи квахъда.
Хважамжамдин къуват авай
Руьгъдин рангар алахъда.



Цмурвийрин агалкъун

Чи мухбир

Спортдин туризмдин рекъай чи республикада тешкилай акъажунра Цмуррин юкъван школадин команди приздин чка къуна. И акъажунра Дагъустан Республикадин жуьреба-жуьре районрайни шегъеррай школьникри иштиракзавай.

Цмуррин юкъван школада спортдин туризмдай вердишвилер къачуз гъилевай йисан сентябрдин вацра гатумна. А кардин къиле и школадин тербиядин рекъай меслятчи Шагъмурад Мегъамедабидович Гъамзатов ва ИЗО-дин муаллим Екатерина Андреевна Смирнова акъвазнавай.

Стлал Сулейманан райондин аялри, сифте сеферда ихътин акъажунра иштиракнавайтани, вири рекъерай чпин хъсан гъазурлухвал къалурна. Командайрин арада,



санлай къачурла, абуру 2-чка, хайи край чирунай ва туриствилер рекъер хкъагъунай 1-чка къуна.

Спортивный туризмдай нубатдин акъажунар 2023-йисан гатфа-

риз къиле фида. Стлал Сулейманан райондин аялрин команда а акъажунриз гиламаз гъазур жезва. Чна чи жегъил туристриз мадни цийи агалкъунар хъун алхишзава.

Квез чидани?

Вахт гъикл гъисабзава?

Вахт гъар жуьре гъисабзава. Месела, рагъ цавуз хкъаж хъанвай тегъердиз килигна, гъи вахт ятла, тайиндиз лугъуз жеда: пакама, нисини, нян, рагъдан ва икл мадни.

Тарарин, цларин хъендин яргъивилиз ва я куьруьвилиз килигнани, гъи вахт ятла лугъузава. Ибур вири тахминан гъисабунар я.

Дуьм-дуьз вахт сятери къалурзава, чебни гъакъван гзаф жуьрейринбуру хъанва: къумадин, механизмайрин, электронрин ва икл мадни.

Дуьм-дуьз вахт гъи члавалай чирзава? Тарихда гъатнавайвал, и кар чилел ракъун рекъер арадал атунихъ ва поездрин гъерекат къайдадик кутунихъ галаз алакълу я. Дуьз вахт течиз, яни вахтунал (сятерал) амал тавуна, ракъун рекъиз поездар ахъайиз жедач. Ахътин гъерекат квелди куьтыгъ жедагъа, виридиз тайин я.

Атомдин сятер

Алай аямда атомдин сятер кардик кутунва. Яни атомдин къенепатан гъерекат - радиоак-

тивный материалар чклизвай вахт дуьз гъисабун яз къабулнава. Ахътин сятер лап муракаб приборра, космосдин тадаракра, цин клиникай фидай лубтквейра, масанра ишлемишзава.

Къумадин сят

Ихътин сят къум тунвай шуьшедин къаб (колба) я. Вични юкъ шуькълуь турбадиз ухшарди. Юкъва гъвечи гел - тлеквен тунва. Анай къумадин куьлуь тварар турбадин винел паттай клиник патаз авахъзава.

И вахт тахминан са сятиниз барабар жезва. Ихътин сятер инсанри лап фад, тахминан юкъван асирра (470-1450) арадал гъана.

Къванцин календарь

Дуьньядал къванцин календарни (вахтар къалурзавай теби члехи имарат) ала. Ам Англияда инсанриз лап фад жагъана. Океандин къерехда, къураматдал гарарини марфари, селлерини гатаз, клеви члехи къванерин

ажайиб гуьмбет (хара) арадал гъанва. Астрономри (гъетер ахтармишзавай алимри) гъисабзавайвал, инсанри, и аламатдин къванери хъенриз килигна, йисан вахтар (члавар) лугъузвай.

Гъуьлуьн хронометр

Ихътин сят гъуьлрал къуллугъзавай моруьрки арадал гъана. Тахминан 1700-йисуз. Ам сад-садахъ резбейралди - сараралди акалнавай элкъвей чархарикай (къерехдай сас атланвай) ибарат я. Чебни гъулдандин пружинадин куьмекдалди худда твазва. Пружина буш жедалди хейлин вахт физва.

Гъилин ва цлан, столдал эцигъзавай хейлин сятера эхиримжи вахтаралди гъа ихътин механизмайрикай - пружинади элкъуьрзавай, къерехдиз сас ягъай чархарикай менфят къачузвай.

Электронрин сятер

Алай аямда асул гъисабдай электронный сятерикай менфят къачузва. Электричестводин гъерекат махсус батарейри арадал гъизва. Ихътин сятер чи гъар са къвале ава, инсанрин гъилерихъ гала.



Шиклда рангар экъуьра

ислен, 28-ноябрь

РГВК
07:00 Время новостей Дагестана. Итоги
08:05 «Королева спорта» 0+
08:15 Мультфильм 0+
08:30 «Служа Родине» 12+
08:45 Х/ф «Век Адалин»
10:45 «Годакан» 0+

ПЕРВЫЙ

05.00 "Доброе утро".
09.00 Новости.
09.20 "АнтиФейк". (16+).
09.55 "Жить здорово!" (16+).

РОССИЯ 1

09:00 Канал национального вещания «Турчидаг» на лакском языке
14:30 Местное время. Вести Дагестан
21:05 Местное время Вести Дагестан

НТВ

04.55 Т/с "Улицы разбитых фонарей". (16+).
06.30 "Утро. Самое лучшее". (16+).

ДОМАШНИЙ

06.30 "6 кадров". (16+).
07.15 "По делам несовершеннолетних". (16+).

ТВ-ЦЕНТР

06.00 "Настроение". (12+).
08.15 Д/с. (12+).
08.50 Х/ф "Загадка Фибоначчи". (12+).

ЗВЕЗДА

05.25 Т/с "Из пламя и света...". 3 и 4 с. (16+).
07.00 "Сегодня утром".
09.00 Новости дня. (16+).

саласа, 29-ноябрь

РГВК
07:00 Время новостей Дагестана
07:20 Передача на табасаранском языке «Мил»
08:00 «Королева спорта» 0+

ПЕРВЫЙ

05.00 "Доброе утро".
09.00 Новости.
09.20 "АнтиФейк". (16+).
09.55 "Жить здорово!" (16+).

РОССИЯ 1

09:00 Канал национального вещания «Маданият» на аварском языке
14:30 Местное время Вести Дагестан
21:05 Местное время Вести Дагестан

НТВ

04.55 Т/с "Улицы разбитых фонарей". (16+).
06.30 "Утро. Самое лучшее". (16+).

ДОМАШНИЙ

06.30 "По делам несовершеннолетних". (16+).
08.45 "Давай разведемся!" (16+).

ТВ-ЦЕНТР

06.00 "Настроение". (12+).
08.15 "Доктор И.". (16+).
08.50 Х/ф "Загадка Эйнштейна". (12+).

ЗВЕЗДА

06.00 Т/с "Не хлебом единым". (16+).
07.00 "Сегодня утром".
09.00 Новости дня. (16+).

арбе, 30-ноябрь

РГВК
07:00,08.30,12.30 Время новостей Дагестана
07:20 Передача на лакском языке «Аьрци ва агьлу»
08:00 «Королева спорта» 0+

ПЕРВЫЙ

05.00 "Доброе утро".
09.00 Новости.
09.20 "АнтиФейк". (16+).
09.55 "Жить здорово!" (16+).

РОССИЯ 1

09:00 Канал национального вещания «Шолом», на татском языке
14:30 Местное время Вести Дагестан
21:05 Местное время Вести Дагестан

НТВ

04.55 Т/с "Улицы разбитых фонарей". (16+).
06.30 "Утро. Самое лучшее". (16+).

ДОМАШНИЙ

06.30 "По делам несовершеннолетних". (16+).
09.10 "Давай разведемся!" (16+).

ТВ-ЦЕНТР

06.00 "Настроение". (12+).
08.05 "Доктор И.". (16+).
08.40 Х/ф "Загадка Пифагора". (12+).

ЗВЕЗДА

05.25 Т/с "Анакол". (16+).
07.00 "Сегодня утром".
09.00 Новости дня. (16+).

хемис, 1-декабрь

РГВК
07:00,08.30,12.30 Время новостей Дагестана
07:20,14.55 Передача на даргинском языке 12+
08:00 «Королева спорта» 0+

ПЕРВЫЙ

05.00 "Доброе утро".
09.00 Новости.
09.20 "АнтиФейк". (16+).
09.55 "Жить здорово!" (16+).

РОССИЯ 1

09:00 Канал национального вещания «Очар» на кумыкском языке
14:30 Местное время Вести Дагестан
21:05 Местное время Вести Дагестан

НТВ

04.55 Т/с "Улицы разбитых фонарей". (16+).
06.30 "Утро. Самое лучшее". (16+).

ДОМАШНИЙ

06.30 "По делам несовершеннолетних". (16+).
08.20 "Доктор И.". (16+).

ТВ-ЦЕНТР

06.00 "Настроение". (12+).
08.20 "Доктор И.". (16+).
08.55 Х/ф "Загадка Цезаря". (12+).

ЗВЕЗДА

05.10 Д/ф "Живые строки войны". (12+).
05.45 Д/ф "Герой 115". (16+).

Table with 8 columns: жумья, 2-декабрь; РГВК; ПЕРВЫЙ; РОССИЯ 1; НТВ; ДОМАШНИЙ; ТВ-ЦЕНТР; ЗВЕЗДА. Contains TV schedule for Friday, Dec 2nd.

Table with 8 columns: киш, 3-декабрь; РГВК; ПЕРВЫЙ; РОССИЯ 1; НТВ; ДОМАШНИЙ; ТВ-ЦЕНТР; ЗВЕЗДА. Contains TV schedule for Saturday, Dec 3rd.

Table with 8 columns: гьяд, 4-декабрь; РГВК; ПЕРВЫЙ; РОССИЯ 1; НТВ; ДОМАШНИЙ; ТВ-ЦЕНТР; ЗВЕЗДА. Contains TV schedule for Sunday, Dec 4th.

Table with 8 columns: КУЛЬТУРА 28-НОЯБРЬДАЙ - 4-ДЕКАБРДАДИ; ИСЛЕН; САЛАСА; АРБЕ; ХЕМИС; ЖУМЬЯ; КИШ; ГЬЯД; РАДИО; ИСЛЕН; САЛАСА; АРБЕ; ХЕМИС; ЖУМЬЯ; КИШ; ГЬЯД. Contains cultural and radio program listings.

